

191. Peb Cov Nsteeg Yuav Tsum Ceev Faaj Zoo

1. Peb cov ntseeg yuav tsum ceev faaj zoo
Le kaum tug nkauj xwb nyob tog ntsoov
Ntxiv roj rua lub teeb kuas ci tsug
Ua ke zuv tog nub Yesxus lug

Tswv Yesxus yuav rov qaab lug
Nwg yuav lug kaav nplaj teb taag nrho
Muaj fwj chim yuav tswj teb tswj chaw
Tswv Yesxus yuav rov qaab lug

2. Peb cov ntseeg tsi xob ntshai poob sab
Tswv Yesxus tub cog lug tseg ca
Nwg yuav lug coj peb nrug Nwg moog
Nyob lub tsev Nwg ua puag sau ntuj
3. Neeg txhua haiv yeej yuav puam tsuaj taag
Vim puab tsi kaam lug txais yuav Nwg
Kev quaj ntsuag pluj tuag tsi muaj ntxiv
Cov ntseeg hu nkauj txhawb nqaa ib txhis
4. Tswv Yesxus naj nub tseem pheej hu
Cov neeg txhum kuas ca le rov lug
Ua ceev nrooj tsaam lub sij hawm kawg
Ntshai tsaam yuav poob rua huv ntuj tawg